

Forfatter: Helgesen, Poul

Titel: Udrag fra Chronicon Skibyense

Citation: Helgesen, Poul: "Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab", i Helgesen, Poul: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*, 1932-1948, s. 116. Onlineudgave fra Arkiv for Dansk Litteratur: <https://tekster.kb.dk/catalog/adl-texts-helg06val2-shoot-idm140415584872704/facsimile.pdf> (tilgået 11. april 2024)

Anvendt udgave: Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab

perpetui celibatus fecisset, captus insano amore, duxit et ipse pueram quandam uxorem, inuitis eiusdem puelle curatoribus, omnibusque amicis reclamantibus, qui ut incredibilem libidinis sue furorem coniugij titulo fucaret, bis librum edidit de sacerdotum, monachorum ac monialium coniugio, uernacula lingua, uerum calumniis et mendacis adeo plenum, ut sit *ipso* mendatio mendatior, et ipsa 86 calumnia calumniosior. Nam coniunx factus, adeo mutauit ingenium, frontemque perflicuit, ut omnium Lutheranorum impudentissimus factus, multa et scripsit et docuit impudentissime, nullo iudicio, nullo item consilio, sed sola ambitione cecus, erat enim quoddam glorie mancipium.

Lago Wrnæ  
episcopus  
moritur.  
Anno domini .1529. xxix aprilis oppetiit mortem 15  
uir nobilis ac perpetua memoria dignus, D. Lago  
Wrnæ episcopus Roschildensis. Cepit namque, ui-  
gente adhuc etate, anno etatis sue, ut creditur, sexag-  
esimotercio, squinantia siue angina laborare, qua  
suffocatus, quinta die mortuus est. Solet morbus 20  
ille, quando fatalis est, quinta die a correptione mor-  
tem inferre, et ultra illum diem uix sinit quenquam  
uiuere, cum plerumque etiam primo, secundo et ter-  
cio die interemisse compertum est. Porro cum ipsa  
natura, omnium rerum parens, aut potius nature 25  
deus preclaro huic uiro eximias quasdam dotes con-  
tulisset, adeo ut eruditione, doctrina, facundia ac  
uaria morum grauitate uniuersos regni episcopos  
precederet, quibus rebus cum prudentissime *autho-*  
*ritatem* suam vindicasset a contemptu, appareretque 30  
paulo seuerior, non defuerunt tamen pontificie dig-  
nitatis osores, qui hec adsciberent fastui ac tyranni-

di, idque dum adhuc uiueret. Quandoquidem post fata ab omnibus desyderatus est, etiam iis, qui adhuc uiuenti subinuidebant. Hec est enim eximia-  
90 rum rerum condicio, ut tunc | primum desiderantur,  
, cum absunt. In suos nihilominus cognatos et affi-  
nes erat propensior, quos magno affectu, sed nullo  
iudicio diligebat, non sine magna pauperum Christi  
iniuria, quos constat ueros esse bonorum ecclesia-  
sticorum heredes. Tumebat enim nobilitatis titulo  
10 et maiorum imaginibus, quod quidem uicum cum  
multis sit commune, nobilibus tamen est proprium  
ac familiare, cum auaricia coniunctum. Sed quoni-  
am ille lapsus humanus est, pie credimus ab illo con-  
donatum, cuius proprium est misereri et parcere, una  
15 cum aliis, que per humanam fragilitatem admisit.  
Ab huius reuerendi patris obitu cepta est mox ruina  
ecclesie Roschildensis.

Huic Lagoni successit uir nobilis Ioachimus Røn-  
now, multis malis et uehementer iniquis condicio-  
20 nibus, non tam suo, quam sacrilegi principis Fride-  
rici regis uitio, qui tum abrogato per tyrannidem  
electionis iure, ui ac potestate omnium ecclesiarum  
iura occupauerat, adeo ut nulli contingaret ulla dig-  
nitas, nisi interueniente grandi pecunia, contempta  
25 religione, et abiurata obedientia perpetuo debita ac  
prestita Rhomanis pontificibus, doctoribus et magi-  
stris fidei tocus occidentis. Nec sublata fuit tyran-  
nis, qua Rhomanus pontifex sibi omnes tocus orbis  
ecclesias subiecerat, sed uerius commutata. Quando-  
30 quidem confirmatio olim mille aureis a pontifice  
redempta, nunc a principe prophano et sacrilego  
sex milibus commercabatur. Et qui pontificis au-

Ioachimus  
Rønnow.